

SARS YI TEKA GOZA LERIKULU EKU AKENI KA VULAWURI BYA MALI YA TIKO BYO TLHARIHA BYA XIMODENI

PRETORIA, Muggivela ti1 Nyenyenyana 2020 – Vukorhokeri bya Xibalo bya Afrika-Dzonga (SARS) byi sungurile rendzo ro anakanya hi vuntshwa vumundzuku bya vulawuri bya mali ya tiko laha ntirho wa byona lowu engetelekaka wu nga ta lawuriwa hi mitwisiso leyi fambisiwaka hi switiviwa, tikhomphyutara to dyondzisa hi toxo, vutlharhi lebyi nga ri ki bya ntumbuluko na nhlanganiso wa vanhu na michumu. Vatirhi va SARS va ta nyikiwa vuswikoti byo tirha eka misava ya ntirho yo tsakisa leyi cinceke no cinca.

Khomixinara Kieswetter u tiyisisa leswaku: “Hi nge tsan’wi matimba ya nhlanganiso lowu kotisiwaka hi switiviwa na thekinoloji na nkucetelo lowu wu nga ta va na wona eka vumundzuku bya misava ya ntirho. Hambiswiritano hi nga swi lulamisela hi ku fambisa kahle nghenelelano na hi ku hetiseka exikarhi ka vuswikoti bya vanhu na vutlharhi lebyi nga ri ki bya ntumbuluko. Namuntlha hi teka goza ra matimba eku akeni SARS yo tlhariha ya ximodeni, leyi nga xindzhuti lexi nga sorisiki, leyi tshembhiwaka no naveriwa.”

SARS ya vumundzuku yi fanele yi kota ku hlamula eka mbango lowuntshwa loko hi le tlhelo yi hetisisa Vutinyiketeri bya nhlanganiso byo kotisa mfumo ku aka mfumo lowu kotaka lowu nga ta tiyisisa nhlaysiseko wa vaaki va Afrika-Dzonga hinkwavo.

Endzhaku ka loko a joyinile SARS hi Mudyaxihi n’waxemu, Khomixinara Edward Kieswetter u tshame a ri karhi a tiyisisa xilaveko xo ndlandlamuxa tshaku ra thekinoloji ra nhlanganiso no kuma mitwisiso ku suka eka switiviwa eka 'SARS ya vumundzuku leyi anakanyiwaka hi vuntshwa'.

Khomixinara u tlhele a endla pfhumba ra mbhurisano hi vuenti na vatirhi leswi nga hlamusela hi vuntshwa swikongomiso swa kungu ra SARS. Leswi swi tumbuluxile xilaveko xa pfhumba ra ntholo wa le ndzeni na le handle ra xiyimo xa le henhla ku koka rinoko ra tiphurufexinali leti nga na titalenta letikulu na swirhonkulu ku yisa SARS eka micinco leyi nga kona eka switiviwa leswikulu na vutlharhi lebyi nga ri ki bya ntumbuluko eka mbango wa xibalo na khasitomo.

Swikongomiso swa kungu ra SARS swi katsa, exikarhi ka swin’wana, ku nyika nhlamuselo na ntshembho eka swiboho swa xibalo, ku endla swi olova eka vahakelaxibalo na vaxavisi ku landzelerisa, ku bvumbhunula lava nga landzelerisiki no endla swi va durhela no va tikela. Nhlanganiso wu tlhela wu va eka phurosese yo endla leswaku tisisiteme ta yona ti va ta ximodeni ku nyika vukorhokeri bya xidijiti no olovisiwa no aka hi vuntshwa ntshembho wa rixaka na vutitshembhi eka vufambisi bya xibalo na khasitomo.

Tanihi mbuyelo, SARS yi navetisile swivandla swa vurhangeri ku koka rinoko eka swirhonkulu leswi nga na talenta na hiseko ku tata swivandla swa *Chief Data Scientist, Chief Technology Innovation Officer, Chief Financial Officer, Chief Procurement Officer, Director Business Segment: Large & International Taxpayers (formerly Large Business Centre), Director Individual Segment: Wealthy & Complex Taxpayers*, na nkaye wa valawuri (*Directors*) ku katsa na *Director: Taxpayer Engagement*, ku longoloxa switsongo.

SARS yi tinyiketela ku kula no hlulukisa vatirhi va le ndzeni hi ku va thola eka swin’wana swa swivandla leswi ku suka endzeni, kambe Khomixinara u tlhela a lava ku tirhisa nkarhi lowu ku ndlandlamuxa “xihlovo xa xilawulantekelo” hi vuswikoti byo kongomisa na mbono lowuntshwa

“Phurosese yo thola yi ta tiyisisa hi vuntshwa vutinyiketeri bya SARS eku cinceni ka agenda ya tiko ra hina na ku tlakusa ndzingano wa ntholo na hambanahambano endhawini ya ntirho,” ku vurile Khomixinara wa SARS.

Kieswetter u engeterile leswaku “Hi nge vulavuli hi ku olova mayelana na Cinco wa Vumaki bya Vumune / *Fourth Industrial Revolution*. Swi le henhla ka hina, naswona hi fanele hi engetela matshalatshala ya hina hikambirhi ku tincinca hi ku aka nhlanganiso wo tlhariha lowu nga ta nyika vukorhokeri bya xiyimo xa le henhla eka vahakelaxibalo lava landzelerisaka, no bvumbhunula lava nga landzelerisiki no endla swi va durhela no va tikela”.

“Xivono xa hina xa 2024 i ku aka SARS yo tlhariha ya ximodeni, leyi nga na xindzhuti lexi nga soriseki, leyi tshembhiwaka hi mfumo, vanhu na titangha ta hina ta misava hinkwayo” u hetisile.

Lava tsakelaka ku endla swikombelo swa swivandla leswi swa xiyimo xa le henhla va fanele ku endzela *SARS recruitment portal* eka www.sars.gov.za no tlilika [Careers](#) evokweni ra ximatsi ehansi phejixikaya. Kutani tlilika [Join Us](#).